

PP. ABBATVM CAMALDVLENSIVM

MONTIS ARGENTINI



1688

M I S S A

I N F E S T O

S. ALOYSII GONZAGÆ,

C O N F E S S O R I S.

I N T R O I T V S.

M Inuisti eum paulò mi-
nus ab Angelis: glo-
ria & honore coro-
nasti eum. *Psalm:* Laudate
Dòminum omnes Angeli e-
jus: laudate eum omnes vir-
tutes ejus. *Psalm:* Glòria Patri.

O R A T I O.

CÆléstium donòrum distri-
butor, DEVS, qui in An-
géllico Iuvene ALOYSIO mi-
ram vitæ innocentiam pari
cum pœniténtia sociasti; ejus
méritis & précibus concède,
ut innocentem non secuti,
pœnitentem imitemur. Per
Dòminum nostrum &c.

Lectio Libri Sapientiae.

BEatus vir, qui inventus est
finè macula: & qui post-
aurum non abiit, nec sperauit
in pecunia, & thesauris. Quis
est hic, & laudabimus eum:
fecit enim mirabilia in vita
sua. Qui probatus est in illo,
& perfectus est; erit illi gloria
æterna. Qui potuit transgre-
di, & non est transgressus; fa-
cere mala, & non fecit: ideo
stabilita sunt bona illius in
Domino.

Graduale. Dòmine spes mea, *Psalm:* 70.

à juventute mea. In te con-
firmatus sum ex útero: de
ventre Matris meæ, tu es pro-
tector meus. *Psalm:* 40.
Me autem propter innocentiam suscepi-
sti, & confirmasti me in con-
spectu tuo in æternum. Al-
lelúja Allelúja. *Psalm:* 64.
Beatus quem elegisti & assumpsisti:
inhabitabit in atrijs tuis. Al-
lelúja.

Sequentia Sancti Evangelij
secundum Matthæum.

IN illo tempore: respondens
IESVS ait Sadducæis: Errá-
tis nescientes scripturas, neq;
virtutem Dei: In resurrectio-
ne enim neq; nubent, neq;
nubentur; sed erunt sicut An-
geli Dei in cœlo. De resur-
rectiõe autem mortuorum
non legistis, quod dictum est
à DEO dicente vobis: Ego
sum DEVS Abraham, & DE-
VS Isaac, & Iacob? non est
DEVS mortuorum, sed vi-
uentium. Et audientes tur-
bæ mirabantur in doctrina e-
jus. Pharisei autem audien-
tes, quòd silentium imposui-
set.

set Sadducæis, convenerunt
in unum; & interrogavit eum
unus ex eis legis Doctor ten-
tans eum: Magister, quod est
mandatum magnum in lege?
Ait illi IESVS: Dîliges Dô-
minum DEVM tuum ex to-
to corde tuo, & in tota âni-
ma tua, & in tota mente tua.
Hoc est mîximum, & prîmum
mandatum. Secundum au-
tem simile est huic: Dîliges
prôximum tuum sicut te-
ipsum. In his duôbus man-
dâtis universa lex pendet, &
Prophetæ.

*Psal: 23.
3.*

Offertorium. Quis ascen-
det in montem Dômini, a-
ut quis stabit in loco san-
cto ejus. Innocens mânibus
& mundo corde.

SECRET A.

CÆlesti convivio fac-
nos, Dômine, nuptiali
veste indutos, accumbere;
quam Beati ALOYSII pia
præparatio & juges lachry-
mæ inæstimabilibus ornabant
margaritis. Per Dominum.

Communio. Panem cœli *Psal: 77
v. 28.*
dedit eis: Panem Angelorum
manducavit homo.

POSTCOMMUNIO.

Angelorum esca. nutritos,
Angêlicis etiam Dômine,
da môribus vivere; & ejus
quem hódie còlimus, exemplo,
in gratiarum semper actione
manère. Per Dñum nostrum
IESVM CHRISTVM Filium
tuum, qui tecum vivit & re-
gnat &c.

Ex Indulto san: memor: BENEDICTI Papæ XIII. pro Societate IES-
SV de die 3. Octobris, 1729. Iam autem pro Regno Polonia,
Magno Ducatu Lithvania, & Provincijs annexis ex concessione
Sac: Rit: Congr: die 15. Septemb: 1736. annuente Sanctissimo Do-
mino nostro, die 18. Mensis, & Anni ejusdem.



Festo S. Chrysologi

3.

Gratiarum Actio pro Victoria
x. Octobris.

Deus, qui in Summis Regni Nostri
periculis antiqua brachij tui miracula
renovasti; Suscipe gratiarum actiones
exultantium populorum; Et quibus
tanti gaudij causam praestitisti,
perpetuum fructum concede letitiae.

Per Dominum Nostrum.

Evangelium de communi plac: Martini Cum audieris prelia

Nisa

Albano — 10

Comary — 4

Comary — 4

Wilkii — 1

goralow — 19


Wilkii — 35

X. III. 19



975092 Bibliotheca 5000 S.
P.P. Camaldulensium in Bielany

Depozyt w Bibliotece Jagiellońskiej



10361

